

U cilju prevencije i suzbijanje nasilja na osnovu pola/roda, povećanje pravičnosti, efikasnosti i transparentnosti pravosudnog sistema u BiH, prikupljanja i analize relevantnih informacija u vezi sa načinom rada u postupku procesuiranja predmeta seksualnog i rodno zasnovanog nasilja sa ciljem pružanja podrške tekućem procesu reforme pravosudnog sektora, utvrđivanje sistemskih problema u procesuiranju predmeta seksualnog i rodno zasnovanog nasilja kojima treba da se bavi pravosuđe, vršenja procjene u kojoj mjeri se pravosuđe pridržava relevantnih međunarodnih standarda i domaćih zakona koji se odnose na seksualno i rodno zasnovano nasilje, te pomoći procesu izgradnje transparentnosti i povjerenja u rad pravosuđa Centar za pravnu pomoć ženama Zenica (u daljem tekstu: Centar) i Predsjednika Općinskog suda Travnik dana 24.01.2011.godine zaključili su

**Protokol o međusobnoj saradnji  
na implementaciji projekta „Monitoringom pravosuđa do spolne i rodne  
jednakopravnosti“**

**Član 1.**

Potpisnik protokola Centar se obavezuje da će sve aktivnosti na implementaciji ovog protokola počivati na poštivanju sljedećih načela:

- načelo nemiješanja u sudski postupak;
- načelo nepristrasnosti;
- načelo profesionalnosti;
- načelo povjerljivosti.

Praćenje suđenja vršit će saradnica na projektu-monitorka koja će svoj identitet potvrđivati akreditacijom Centra, o čemu će sud biti pismeno obaviješten.

**Član 2.**

Potpisnik protokola Predsjednik Općinskog suda se obavezuje da će:

- Osigurati pristup sudu i suđenjima monitorkama koje su određene za praćenje predmeta koji se odnose na procesuiranje seksualnog i rodno zasnovanog nasilja;
- Blagovremeno obezbjeđivati redovne informacije o rasporedu sudskih/krivičnih postupaka gdje su žrtve/oštećene žene ili djevojke i to za počinjena krivična djela:

- KD protiv života i tijela iz čl. 166-176 KZ FBiH,
- KD protiv slobode i prava čovjeka i građanina iz člana 177-199 KZ FBiH,
- KD protiv spolne slobode i morala iz člana 203-213 KZ FBiH,
- KD protiv braka, porodice i mladeži iz člana 214-224 KZ FBiH.

imajući u vidu da praćenje postupaka za sva navedena KD, shodno odredbama ZKP, podrazumijeva prisustvo na ročištima za izjašnjenje o krivnji, ročištima za razmatranje sporazuma o priznanju krivnje, ročište za izricanje krivičnopravnih sankcija, postupci po kaznenim nalogima i glavni pretresi;

-Obezbjediti pristup sudskim spisima i relevantnim dokumentima;

-Obezbjediti pristup suđenjima zatvorenim za javnost.

Odrediti službenu osobu zaduženu za kontakte i saradnju sa monitorkama, i o tome pismeno obavijestiti Centar.

### Član 3.

Protokol se zaključuje počev od dana njegovog potpisivanja od strane Centra i Predsjednika Općinskog suda Travnik, i traje do kraja 2011. godine.

### Član 4.

Na osnovu podataka prikupljenih tokom praćenja suđenja od strane monitorke izradit će se analitički izvještaj sa preporukama i nalazima namijenjen unapređenju legislative i prakse u procesuiranju slučajeva seksualnog i rodno zasnovanog nasilja.

### Član 5.


Eventualne izmjene i dopune protokola vrše se u formi pisanog aneksa.

Centar za pravnu pomoć ženama Zenica

  
\_\_\_\_\_

Broj: 38/11

Predsjednik Općinskog suda u  
Travniku

  
\_\_\_\_\_

Broj: \_\_\_\_\_